

Z121.5
-7

清·張海鵬輯

學津討原

11

江蘇廣陵古籍刻印社

學津討原

(十一)

清嘉慶張海鵬輯刊

史地類 中國地理 歷代

通鑑地理通釋四卷附杭世駿通鑑地理釋跋

中國地理 先秦

詩地理 考六卷附四庫提要

都會

東京夢華錄一〇卷附趙師俠跋

夢梁錄二〇卷附明都穆、清錢曾及張鳳池等跋四庫提要、朱彝尊跋、胡玉繩提要補正

江蘇地理

吳地 記二卷附明錢氏傳鈔本校正逸史及清初本、四庫提要、胡玉繩提要補正

吳郡圖經續記三卷附四庫提要、提要補正

西域地理

佛國 記一卷（一名三十國記）附四庫提要、胡玉繩提要補正

宋王應麟撰 一

宋王應麟撰 一九三

宋孟元老撰 二七三

宋吳自牧撰 三二一

唐陸廣微撰 四六九

宋朱長文撰 四八九

宋釋法顯撰 五四七

亞洲地理

諸著 志二卷附函海本李調元序

吳郡圖經 三卷附四庫提要 物產

海 語三卷附四庫提要 本對五藏史具指時本、因車切變、凡五卷提要補正

歷代史評

通鑑問疑 一卷附晁公武志略、余嘉錫提要辨證

東京文學類 詩經

詩序辨 說一卷附四庫提要、馬端臨詩序論

詩 考一卷附董斯張書後、胡玉紹提要補正

中國史話

鍾詩 品三卷附李濂鍾嶸詩品序、胡玉紹提要補正

中國史話

宋趙汝适撰 五十六

明黃衷撰 六十七

宋劉義仲撰 六二三

宋朱熹撰 六三七

宋王應麟撰 六七七

南朝鍾嶸撰 七〇九

學事信原

(十一)

前嘉慶元年刻

通鑑地理通釋

史地類 地理之部 中國地理歷代

通鑑地理通釋 一四卷

宋王應麟撰，是書首州域、次郡邑、次山川、次形勢。而以唐河湟十一州石晉燕雲十六州附於末。

欽定四庫全書提要

通鑑地理通釋十四卷宋王應麟撰應麟有周易鄭氏注已著錄是書以通鑑所載地名異同沿革最爲糾紛而險要阨塞所在其措置得失亦足爲有因者成敗之鑒因各爲條例釐定成編首歷代州域次歷代郡邑次十道山川次歷代形勢而終以唐河湟十一州石晉十六州燕雲十六州書本十四卷宋史本傳作十六卷疑傳刻之訛也其中徵引浩博考核明確而敘列朝分據戰攻尤一一得其實領於史學最爲有功臣原書無序後人以書後應麟自跋移冠於前所云上章執徐橋壯之月乃元世祖至元十六年庚辰八月是時宋亡已三年蓋用陶潛但書甲子之義書內稱梓慎爲梓謹亦猶爲宋諱云

通鑑地理通釋提要

照廣閣

通鑑地理通釋目錄

卷之一

歷代州域總敘

卷之二

歷代州域總敘

卷之三

歷代州域總敘

卷之四

歷代都邑攷

地理通釋目錄

卷之五

十道山川攷

卷之六

周形勢攷

卷之七

名臣議論攷

卷之八

七國形勢攷

卷之九

七國形勢攷

卷之十

七國形勢攷

卷之十一

三國形勢攷

卷之十二

三國形勢攷

卷之十三

晉宋齊梁陳形勢攷

地理通釋目錄

河南四鎮攷

卷之十四

東西魏周齊相攻地名攷

唐三州七關十一州攷

石晉十六州攷

目錄

通鑑地理通釋卷之一

凌儀王應麟伯厚甫著

歷代州域總敘上

神農九州

春秋命歷序云八皇氏分九州神農始立地形甄度四海東西九十萬里南北八十一萬里周禮疏云自神農已上有大九州桂州迎州神州之等至黃帝以來德不及遠惟於神州之內分爲九州騶衍云中國名曰赤縣神州赤縣神州內自有九州禹之序九州是也中國外

地理通釋卷之一

照義開

如赤縣神州者九乃所謂九州也有裨海環之一區中爲一州如此者九有大瀛海環其外淮南墜形訓云天地之間九州東南神州曰農土正南次州曰沃土西南戎州曰滔土正西弇州曰井土正中冀州曰中土西北台州曰肥土正北濟州曰成土東北薄州曰隱土正東陽州曰申土帝王世紀云諸子稱神農王天下地東西九千萬里南北八十五萬里愚謂河圖言崑崙者地之中釋氏言日月照四大洲卽騶衍之說此莊子所謂存而不論者也

黃帝九州

地理通釋卷之一

照義開

禹貢釋文周公職錄云黃帝受命風后受圖割地布九州漢地理志云黃帝旁行天下方制萬里畫疆分州得百里之國萬區晉地理志云黃帝令豎亥步自東極至于西極五億十萬九千八百八步帝王世紀云黃帝推分星次以定律度自斗十一度至婺女七度曰星紀之次今吳越分野自婺女八度至危十六度曰元枵之次今齊分野自危十七度至奎四度曰豕韋之次今衛分野自奎五度至胃六度曰降婁之次今魯分野自胃七度至畢十一度曰大梁之次今趙分野自畢十二度至東井十五度曰實沈之次今晉魏分野自井十六度至柳八度曰鶉首之次今秦分野自柳九度至張十七度曰鶉火之次今周分野自張十八度至軫十一度曰鶉尾之次今楚分野自軫十二度至氐四度曰壽星之次今韓分野自氐五度至尾九度曰大火之次今宋分野自尾十度至斗十度百三十五分而終曰析木之次今燕分野凡天有十二次日月之所躔也地有十二分王侯之所國也愚謂通典云國之分野上配天象始於周

季世紀所云蓋以星官之書自黃帝始也

顓帝九州

冀兗青徐揚荆豫梁雍帝王世紀云顓帝所建帝嘗受之孔子稱其地北至幽陵南暨交趾西蹈流沙東極蟠木是以建萬國而制九州通典亦謂顓帝置九州葉氏云祭法共工氏之霸九州也其子曰后土能平九州則九州之名舊矣

幽陵幽州交趾亦作交趾係交州流沙在沙州西蟠木東海度索山上有屈盤

舜十二州

地理通釋卷之一

三 照廣閣

冀兗青徐揚荆豫梁雍雍并管孔氏云禹治水之後舜分冀爲幽并分青爲營焉氏云禹平水土置九州舜以冀州之北廣大分置并州燕齊遼遠分燕爲幽齊爲營漢地理志云堯遺洪水天下分絕爲十二州禹平水土更制九州列五服與孔馬之說異愚謂舜典言肇十有二州咨十有二牧而後命禹平水土當以漢志爲正鄭氏謂分衛爲并燕以北爲幽分齊爲營朱氏謂分冀東恒山之地爲并又東北暨無閭之地爲幽又青之東北遼東等處爲營而冀止有河內之地今河東一路是也

劉氏云冀州之域大於九州於是分爲幽并以此二州北扞夷狄使不得接於王畿書大傳虞夏傳云兆十有二州注兆域也爲營域以祭十二州之分里也

五服

甸侯綏要荒葉氏云禹制五服每服率五百里而王畿甸服在其內則一方爲二千五百里東西南北相距各五千里此所謂弱成五服至于五千者也至周而益爲九畿每畿亦五百里而王畿又不在內則一方爲五千里南北東西各萬里周之地果如是廣乎學者求其說

地理通釋卷之一

四 照廣閣

而不得故鄭氏以堯舊服五千里至禹治水之後又增其倍謂禹貢所記爲舊服所增之數以與周制合又謂周公攝政斥大九州之境故五等諸侯之封大者增其五之四小者增其十之五此皆矯妄不經無所取信以周官大司馬九畿之籍考之方千里曰國畿其外亦皆以方言方者謂四方也四方環之爲千里徑數之每方當止爲二百五十里則周之畿爲儉於禹矣林氏云以王制考之堯都冀州自恒山至南河千里自東河至西河千里此畿內千里卽甸服也自東河至東海千里自

西河至流沙千里此千里建五百里侯服五百里綏服而東海流沙之外則爲要荒誠合經之所載至於南北則有盈縮焉以北考之冀之北距恒山已接於邊陲其間何以容二千五百里之侯綏要荒哉以南考之自南河至江千里已建侯服綏服矣自江至衡山千里則要荒二服又在九州之內矣然自衡山至南海又千里揚州之境且南距海則九州且包乎要荒之外是以南考之則太盈以北考之則太縮實疑而未知其說意其必有棄除相補於其間也應氏云自秦而上西北袤而東

地理通釋卷之一

五

照廣開

南蹙自秦而下東南展而西北縮古今之疆理天地之大運中國夷狄之消長大畧可見當先王盛時東西南北各有不盡之地蓋謂四夷居之不勞中國以事外也若禹貢之東漸西被而朔南咸暨特其聲教之所及非必貢賦之所限也故外薄四海弼成五服至于五千者此區城之大數而疆理之畧者也四海之內斷長補短方三千里者此民田之大數而疆理之詳者也觀於曰內曰外二字而治之詳畧可知矣王氏曰舜之五服侯甸綏二服在九州之內要服有夷荒服有蠻在九州之

外成周九服侯甸男采衛要六服在九州之內夷鎮蕃三服在九州之外

禹九州

冀兗青徐揚荆豫梁雍通典云雍州西境流沙之西荊州南境五嶺之南所置郡縣並非九州封域之內帝王世紀云堯遭洪水分爲十二州今虞書是也及禹平水土還爲九州今禹貢是也是以其時九州之地凡二千四百二十萬八千二十四頃定疆者九百一十萬八千二十四頃不舉者千五百萬二千頃民口千三百五十

地理通釋卷之一

六

照廣開

五萬二千九百二十三人至於塗山之會諸侯承唐虞之盛執玉帛亦有萬國是以山海經稱禹使大章步自東極至于西垂二億三萬三千五百里七十一歩又使豎亥步南極盡於北垂二億三萬三千五百里七十五歩四海之內則東西二萬八千里南北二萬六千里出水者八千里受水者八千里名山五千三百五十經六萬四千五百六十六里出銅之山四百六十七出鐵之山三千六百九以供財用蘇氏云堯水河爲患最甚江次之淮次之河行冀兗爲多而青徐其下流被害亦甚堯都

於冀故禹行自冀始次于兗次于青次于徐四州治而河患衰矣雍豫雖近河以下流既治可以少緩也故次于揚次于荆以治江淮江淮治而水患平故次于豫次于梁次于雍以治江河上流之餘患而雍最高故終焉朱氏云冀州極瀾河東河北皆屬焉雍州亦瀾陝西五路皆屬焉若青兗徐豫則疆界有不足者矣鄭氏云州縣之設有時而更山川之形千古不易所以禹貢分州必以山川定經界使兗州可移而濟河之兗不能移使梁州可遷而華陽黑水之梁不能遷是故禹貢為萬世不易之書

薛氏云至夏復為禹貢之九州

萬國

鄭氏云州十有二師每一師領百國每州千二百國畿外八州總九千六百國其餘四百國在畿內唐虞土方萬里九州之內地方七千里劉氏云一州十二師以商周之制推之則連率卒正之類也以五長稽之則五國有長而十長有師乎十長之師凡五十國一州十二師則六百國也州六百國計十二州則七千二百國也十二州之外薄于四海又有五長是以禹會諸侯於塗山

地理通釋卷之一

七 照廣開

執玉帛者萬國也葉氏云所謂萬國者槩其成數未必實有之也呂氏春秋王者之封建也彌近彌大彌遠彌小海上有十里之諸侯以大使小以重使輕以衆使寡漢上朱氏曰楚萬國者衆建諸侯而少其力

商九有

爾雅九州兩河間曰冀河南曰豫河西曰雍漢南曰荆江南曰揚濟河間曰兗濟東曰徐燕曰幽齊曰營孫炎云此蓋殷制孔氏云禹貢有梁青幽營周禮有幽并無徐營孫炎以爾雅之文與禹貢不同於周禮又異故疑為殷制耳亦無明文言殷改夏也地理志云殷因於

地理通釋卷之一

八 照廣開

夏無所變改陸氏曰禹貢有青徐梁而無并幽營爾雅有徐幽營而無青梁并職方有青幽并而無徐梁營三代不同故也陳氏云商書言九有之師商頌言奄有九有式于九圍王制於商亦言九州千七百七十三國則商之九州蓋亦襲夏而已通典云塗山之會萬國四百年間遞相兼并殷湯受命其能存者三千餘國亦為九州兗州在兩河之間西則龍門之河東則降水大陸之河降水大陸今冀貝二州界論語三分天下有其二注天下歸文王者六州荆梁雍豫徐揚也惟兗青冀尚屬封

周九州

揚荆豫青兗雍幽冀并鄭氏注揚荆豫兗雍冀與禹貢
畧同青州則徐州地也幽并則青冀之北也無徐梁晉
地理志云成王時改作禹貢徐梁入於青雍冀野析於
幽并王氏云九州之序禹貢始於冀次以兗而終於雍
職方氏則始於揚次以荆而終於并者蓋禹貢言治水
之序也職方言遠近之序也治水則自帝都而始然後
順水性所便自下而上故由兗至雍而止也以遠近言
之則周之化自北而南爲遠故開雖謂巢之詩分爲二
南漢廣亦言文王之道被於南國德化之所及以遠爲

地理通釋卷之一

九

照廣閣

至也始於揚則以揚在東南次以荆則以荆在正南終
於并州以并在正北先遠而後近也左傳王使詹桓伯
辭於晉曰我自夏以后稷魏駘芮岐畢吾西土也及武
王克商蒲姑商奄吾東土也巴濮楚鄧吾南土也肅慎
燕亳吾北土也漢賈捐之曰武丁成王殷周之大仁也
然地東不過江黃西不過氐羌南不過蠻荆北不過朔
方鄭氏謂口周無徐州蓋其地爲淮黃徐奄所有李氏
曰同都雍不可不廣故合梁并爲一徐地狹隘故言

九畿 九服 六服 五服

大司馬九畿方千里曰國畿其外侯甸男采衛蠻夷鎮
蕃職方氏九服方千里曰王畿其外侯甸男采衛蠻夷
鎮藩大行人邦畿方千里其外侯甸男采衛要服九州
之外謂之蕃國周官六服郡辟閭不承德六年五服一
朝周語祭公謀父曰先王之制邦內甸服邦外侯服侯
衛賓服蠻夷要服戎翟荒服甸服者祭侯服者祀賓服
者享要服者貢荒服者王日祭月祀時享歲貢終王先
王之訓也葉氏曰禹別九州制天下爲五服王畿在其
內周公分天下爲九畿而王畿不與以侯甸男采衛之
在中國者爲五服言罔不承德則舉六服合王畿言也
言六年一朝則舉五服別諸侯言也鄭氏以殷之大界
方三千里以開方計之方千里者九其一爲縣內餘八
各立一州合內外總爲千七百七十三國周公復唐虞
之地分五服爲九其要服之內方七千里意以夏末既
衰中國之地爲四夷所侵至周方能復之今考於禹貢
所謂五服皆五百里爲別則是要服之內通於四面距
中國之地乃方三千里達於荒服止於五千里康成既
以殷之大界方三千里矣固合於禹貢中國之地而謂

地理通釋卷之一

十

照廣閣

四夷所侵者果何地也周公雖斥大九州之界而地加於禹貢者幾五百里今職方氏分九州之邦國方千里爲王畿曰侯甸男至于采衛皆方五百里是五服之地方二千五百里合王畿計之方三千五百里由三千五百里分之合四面相距方七千里迺康成所謂要服之內也蓋禹貢所謂要荒卽周官所謂蠻夷鎮蕃通要荒而合於禹貢中國之地則唐虞夏殷之時中外凡方一萬里通蠻夷鎮蕃而合於周官則周公之時中外凡萬一千里以其一千里之多是以周公斥大封疆纔五百里康成不知異同在此而唯見要服之內方七千里乃牽左氏執玉帛者萬國之說而謂唐虞之時非七千里不能容之且仲虺之諄言表正萬邦纘禹舊服則是湯之時固有萬國矣所謂大界三千里者何以能容之也然則九州之內千七百七十三國未必殷制王氏曰畿言其有界蓋服言其服王事六年五服一朝者以侯甸男邦采衛言也六服辟辟罔不承德者兼要服而言之也先王之制中國五服而周官言六者蓋近中國之夷狄承德則國家閒暇可以明政刑之時也方是時也四

征弗庭其治未若制禮之際爲已備矣故其限朝止於五服而已周官行人於六服之見則及於要服者則其治爲尤詳於四征弗庭之時也近古國之夷狄非特承德而又能入貢以來見焉則制禮以致太平者此其極也鄭氏曰要服蠻服也九州之外夷鎮蕃服也陳氏曰外聖人雖制之服而不必其未故武成洛誥康王之詔止言五服衛侯之易氏曰禹之五服則計其一面之數周之九服則計其兩面之數禹之甸服千里而止言五百里是計其一面者也周之王畿與禹之甸服同不言五百里而兼言千里是計其兩面之相距者也蓋禹之五服王畿在內王畿千里而兩面各五百里數其一面故曰五百里甸服自甸服至荒服皆數其一面每面各五百里總爲二千五百里兩面相距則凡五千里職方氏所載則王畿不在九服之內自方五百里之侯服至於方五百里之蕃服其名凡九九服每面各二百五十里通爲二千二百五十里兩面相距則通爲四千五百里并王畿千里則通爲五千五百里其增於禹者五百里之蕃服耳然周之蕃服雖不列於禹貢九州之外而禹貢九州之外咸建五長東漸西被卽

則中國之缺者十六
庚秋之缺者十一

星土

鄭司農說星土以春秋傳曰參爲晉星商主大火國語曰歲之所在則我有周之分野之屬是也康成謂九州諸國中封域於星亦有分焉其書亡矣堪輿雖有郡國所入度非古數也今其存可言者十二次之分也星紀吳越也玄枵齊也娵訾衛也降婁魯也大梁趙也實沈晉也鶡首秦也鶡火周也鶡尾楚也壽星鄭也大火宋也析木燕也此分野之妖祥主用客星尋字之氣爲象

地理通釋卷之一

主

耶曠閣

孔氏曰星紀在於東北吳越實在東南魯衛東方諸侯逆屬戌亥之次又三家分晉方始有趙而韓魏無分趙獨有之漢書地理志分郡國以配諸次其地分或多或少鶡首極多鶡火甚狹徒以相傳爲說其源不可得聞於其分野或有妖祥而爲占者多得其效蓋古之聖哲有以度知非後人所能測也陳氏曰九州十二域或繫之北斗或繫之二十八宿或繫之五星雍正魁冀主樞青兗主機揚徐主權荆主衡梁主開陽豫主搖光此繫之北斗者也星紀吳越元枵齊娵訾衛降婁魯大梁趙

實沈鶡首秦鶡火周鶡尾楚壽星鄭大火宋析木燕此繫之二十八宿者也歲星主齊吳熒惑主楚越鎮星

主壬子太白主大臣辰星主燕趙代此繫之五星者也然吳越南而星紀在丑齊東而元枵在子魯東而降婁在戌東西南北相反而相屬何耶先儒以謂古者受封之日歲星所在之辰其國屬焉觀春秋傳凡言占相之術以歲之所在爲福歲之所衝爲災故師曠梓謹裨竈之徒以天道在西北而晉不害歲在越而吳不利歲淫元枵而宋鄭饑歲弃星紀而周楚惡歲在豕韋而蔡禍

地理通釋卷之一

主

耶曠閣

歲及大梁而楚囚則古之言星次者未嘗不視歲之所在也梓謹曰龍朱鄭之星也宋大辰之虛也陳大暉之虛也鄭祝融之虛也皆火房也衛高陽之虛也其星爲大水以陳爲火則大暉之木爲火母故也以衛爲水則高陽水行故也子產曰遷閼伯於商邱主辰商人是因故辰爲商星遷實沈于大夏主參唐人是因故參爲晉星然則十二域之所主亦若此也易氏曰在諸侯則謂之分星在九州則謂之星土九州星土之書亡矣今其可言者十二國之分考之傳記裁祥所應亦有可證而

不誣者昭十年有星出於豸女鄭裨竈曰今茲歲在顓
頊之墟姜氏任氏實守其地釋者以顓頊之墟爲元枵
此元枵爲齊之分星而青州之星土也昭三十二年吳
伐越晉史墨曰越得歲而吳伐之必受其凶釋者以爲
歲在星紀此星紀爲越之分星而揚州之星土也昭元
年鄭子產曰成王滅唐而封大叔焉故參爲晉星實沈
爲參神此實沈爲晉之分星而并州之星土也襄九年
晉士弱曰陶唐氏之火正閼伯居商丘相土因之故商
主大火此大火爲宋之分星而豫州之星土也昭十七

地理通釋卷之一

七

照廣閣

年星孛及漢申須曰漢水祥也衛顓頊之墟故爲帝邱
其星爲大水此兼營爲衛之分星而冀州之星土也襄
二十八年春無冰梓謹曰歲在星紀而淫于元枵蛇乘
龍龍宋鄭之星此壽星爲鄭之分星而亦豫州之星土
也鄭語周史曰楚重黎之後也黎爲高辛氏火正此鶉
尾爲楚之分星而荊州之星土也爾雅曰析木謂之津
釋者謂天漢之津梁爲燕此析木爲燕之分星而幽州
之星土也以至周之鶉火秦之鶉首趙之大梁魯之降
婁無非以其州之星土而爲其國之分星所占我祥其

地理通釋卷之一

六

照廣閣

應不差然亦有可疑者武王伐殷歲在鶉火伶州鳩曰
歲之所在我有周之分野蓋指鶉火爲西周豐岐之地
今乃以當洛陽之東周何也周平王以豐岐之地賜秦
襄公而其分星乃謂之鶉首又何也如燕在北而配以
東方之析木魯在東而配以西方降婁秦居西北而鶉
首次於東南吳越居東南而星紀次於東北此皆指之
分野有不合者賈氏以爲古者受封之月歲星所在之
辰恐不其然若謂受封之辰則春秋戰國之諸侯以之
占妖祥可也後世占分野而妖祥亦應豈皆古者受封
之辰乎此堪輿之書雖足攷古而言郡國所入之度則
非古之法理道要訣云周季上配天象有十三國呂氏
云十二次蓋戰國言星者以當時所有之國分配之唐
氏云子產言封實沈于大夏主參封閼伯于商丘主辰
則辰爲商邱分參爲大夏分其來已久非因封國始有
分野若以封國歲星所在卽爲分星則每封國自有分
星不應相土因閼伯晉人因實沈矣又漢魏諸儒辰次
度各用當時歷數與歲差遷徙亦非天象度數之正惟
唐一行下觀山河兩戒上考雲漢之終始斗杓之內外

以定分星之次更以七宿之中分四象中位自上元之首以度數紀之而著其分野最得天象之正

四極 四荒

爾雅東至於泰遠西至於邪國說文作汎國以西極之水也府中切南至於濮鈺北至於祝栗謂之四極此四方極遠之國

北戶西王母日下謂之四荒狐竹者漢地理志遼西令支有孤竹城齊魯北伐山戎制令支斬孤竹折地志孤竹殷諸侯古城在平州盧龍縣南十二里

支有孤竹城齊魯北伐山戎制令支斬孤竹折地志孤竹殷諸侯古城在平州盧龍縣南十二里三曰正美孤竹者是殷湯正月北戶者即日南顏師古曰在日之南所謂開北戶以向日者秦始皇紀前至北戶戶與地廣記景州北景縣漢屬日南後為林邑所據晉

地理通釋卷之一

九

地理通釋

九真太守范建計林邑於其國五月五日立八尺表曰景在表南九寸一分故自北景以南皆開北戶以對日也淮南歷形訓南方曰都廣曰反戶西王母者山海西荒經西海之中流沙之濱有崑崙之邱有人戴勝虎齒

名曰西王母穆天子傳天子賓于西王母乃紀其時于弇山名曰西王母之山日下者

日所出處其下之國淮南天文訓日出於暘谷暘谷成有扶桑在中國之東其土多扶桑木一名曰日本自云

出在大人之國有山曰合虛日中所出有容之國呂氏春秋禹東至梓水之地日出九津青羌之野呂氏春秋凡四海之內東西二萬八千里南北二萬六千

里水道八千里受水者亦八千里通谷六名川六百陸

注三千小水萬數凡四極之內東西五億有九萬七千

里南北亦五億有九萬七千里極星與天俱遊而天樞

不移冬至日行遠道周行四極命曰元明夏至日行近

道乃參千上當樞之下無晝夜自民之南建木之下日

中無影呼而無響蓋天地之中也尸子云八極之內有

君長者東西二萬八千里南北二萬六千里故曰天左

舒而起牽牛地右潤而起畢淮南歷形訓八極東北

東方曰東極之山曰開明之門淮南歷形訓八極東北

湯門南方曰南極之山曰閼風之門淮南歷形訓八極東北

自門西方曰西極之山曰閼風之門淮南歷形訓八極東北

周之山曰幽都之門北方曰北極之山曰寒門淮南歷形訓八極東北

靈憲云八極之維徑二億三萬二千三百里南北則短

減千里東西則廣增千里自地至天半於八極則地之

深亦如之宋文公謂爾雅四極恐未必然邪國近在泰

隄非絕遠之地也靈憲所言八極之廣原於歷算若有

據依然非專言地之廣狹也呂氏春秋九塞大務其說

注居判阮方城設井厓合此句

秦四十郡

晉地理志云始皇初并天下懲念戰國割罷列侯分天

下為三十六郡內史漢三輔及三川河東南

陽南郡九江漢置因之郡郡治故郡在今湖州長興縣西南

會稽潁川漢置潁川因之潁郡潁水漢改爲丹陽郡

琅邪漢置因之齊郡琅邪國上谷琅邪石北平遼西遼東代郡

鉅鹿郡上黨太原雲中漢置因之九原漢改爲鴈門上郡

隴西北地漢中巴郡蜀郡漢置因之黔中漢改爲武陵郡今

地長沙漢長凡二十六郡於是典師隴江平取百越置

桂林漢改爲南海郡番禺漢改爲閩中後漢曰治

其地合四十郡郡一守焉其地則西臨洮而北沙漠東

築西帶皆隔大海秦紀云地東至海暨朝鮮西至臨洮

地理通釋卷之一

羌中南至北嚮戶北據河爲塞並陰山至遼東周書作

雒爲千里百縣縣有四郡說文周制天子地方千

曰春秋之時郡屬於縣趙簡子營衆所謂上大夫受縣

下大夫受郡是也戰國之時縣屬於郡秦紀惠文十年

魏納上郡十五縣是也方孝公商鞅時并小鄉爲大縣

縣一令向未有郡牧守稱及魏納上郡之後十餘年秦

紀始書置漢中郡或者山東諸侯先變古制而秦效之

魏按戰國策楚王以新城爲主郡以此攷之郡之所治

必居形勢控扼之地郡者縣之主故謂之主郡又云三

川河東在諸郡之首者蓋所以陪輔關中地勢莫重焉

卽漢所謂三河也漢分三川爲河南河內與河東號爲

三河史記貨殖傳曰昔唐人都河東殷人都河內周人

都河南夫三河在天下之中若鼎足王者所更居也建

國各數百十歲胡氏曰郡縣天下可以持承平不可以

支變故封建諸侯可以持承平可以支變故孫氏曰郡

縣之制盡剗根柢之舊以爲空虛之天下匹夫亡秦五

胡覆晉盜賊篡唐此非有秦人取天下之威而失之反

掌漢高祖紀有東陽郡吳郡鄣郡灌嬰傳

地理通釋卷之一

有豫章郡皆非秦郡蓋楚漢之際所置

通鑑地理通釋卷之一

一

一

一

一

一

一

一